



19. juni 2012

Inatsisartut suleriaasianni § 37 imm.1 naapertorlugu Naalackersuisunut apeqquteqaat:

- 1. Kujataani tuttuutillit pigisaat qanoq nakkutigineqarpat?**
- 2. Ukiuni kingullerni kujataani tuttu amerlasigaluttuinnarnerarlugit oqaaseqarfigineqartarput, taamaassimappat taava innuttaasunut piffissamik aalajangersimasumik pisassiisoqarsinnaanera qanoq eqqarsaatigineqarpa?**
- 3. Imatut tuttu amerlatigilersimappata nunamik aserorterinerat ajornartorsiutitut isigineqarluni, aammalu nerisassaqarnerannik amikkisaartitsisoqalersimalluni, taamaattoqarpat taava Naalackersuisut qanoq iliuuseqalersaarniarpat?**
- 4. Taamanikkut nunaminertamik atugassiisimaneq ullumimut naleqqus-sarneqarnikuunerluni taamaattoqarsimappat tamanna qanga piva? Aammalu tuttoqarfittut aalajangersagaq qanoq atsigisumik qaangerlugu tuttu angalaalersimanerat misissuiffigineqarnikuua.**
- 5. Tuttuutillip tuttuutai ullumikkut qassiuppat?**
- 6. Killeqarfiup avataa ullumikkut qanoq tuttoqartiginersoq oqaatigineqarsinnaava?**
- 7. Tuttuutillip tuttuutaanik toqoraaneq kingulleq qanga piva aamma qanoq ingerlava?**

(Inatsisartuni ilaasortaq Ruth Heilmann Siumut)

Tunnqavilersuut:

Apuunneqartarpoq aammalu tusartarlugu Kujataaniittut inuit oqaatigisarmassuk tuttu amerlatsingaaramik nunamik aserorterineq annertoorujussuanngorsimasoq. Taamaattoqarpallu innuttaasut aamma aavarnissaminnik periarfissaqarnissaminnik kissaateqartut killeqarfiup avataaniittut tuttu amerlasigaluttuinnartut maluginiarneqarsimammata.

Taamaattumik itinerusumik paasisaqarfigissallugit pisariaqartoq isumaqarama.neriuutigaaralu piaartumik akineqarumaarlunga.